



Libere Caroli Christiani

EXHIBITAE AD HÆC

DE CAROLI Christiani

AD HÆC

LIBERAE

EXHIBITAE AD HÆC

DE CAROLI Christiani

AD HÆC

EXHIBITAE AD HÆC

DE CAROLI Christiani



LIBERAE

1015.22

Typis Joannis Rubel.

MDLXII

CAROLVS DEI GRATIA

Francorum Rex,



SAPIENTISSIMIS, & Reuerēdis  
simis Patribus in Sacrosancto Tri-  
dentino Concilio congregatis, sa-  
lutē. Et si ea fuit DEI Opt. Max.  
voluntas, vt iam inde ab incunte  
ætate nos ad tanti huius Regni Im-  
perium vocarit, eiusq; altæ, & infinitæ iudiciorum pro-  
uidentiæ placuit nobis committere huius Principatus  
initia, adeo tumultuum, & civilium bellorum plena, ut  
nulla illius, vel minimæ Prouinciæ inueniri possit, quæ  
hisce calamitatibus careat. Oculos tamen pueritiæ no-  
stræ hæc ipsa diuina bonitas ita aperuit, ut tãtorum ma-  
lorum causam faciliè iudicauerimus non aliunde, quàm  
ex variâ, & multiplici de Religione opinione, qua po-  
pulus noster imbutus est, processisse. Cognoscamus èt  
huius grauissimi morbi remedium non ab hominũ pru-  
dentiæ esse petēdum, sed à Deo viuo, & inexhausto mi-  
sericordiarum fonte, qui requirentibus eum ex animo,  
suiq; nominis gloriam tãtum, & honorem spectantibus,  
nunquam defatigatur beneficia, & gratias conferre.  
Itaq; eodem Sancto spiritu ducti, cum primum Regia  
Corona sumus insigniti, nihil nobis magis fuit in votis,  
quàm cum maiorum nostrorum exemplo, ad sacros cõ-  
uentus, vel ad eius ægritudinis vnicum, & præsens medi-

rillon

A 2

camentum

camentūnī confugere, tum in bon. mem. FRANGISEI  
Regis Domini, & fratris nostri amātissimi vestigiis per-  
manere, & quanto potuimus studio, & diligentia, hanc  
ipsam, in quam nunc ex variis orbis terrarum partibus  
cōuenistis, celeberrimam Synodum expetere. Ac illud  
quidē grauissimē tulimus, nos, qui huius instituti adeo  
pii, & optati authores fuimus, nō tamen efficere potuif-  
se, vt Praelati nostri in hoc generale Conciliū primi con-  
uenerint, Sed huiusmodi dilationis causam, & alii om-  
nes, & vos ipsi necessariam esse iudicatis, cumq; amātis-  
simum, & dilectissimum consobrinum nostrum Cardi-  
nalem LOTARINGIVM, Archiepiscopū, ac Ducē  
Remen. Primum Franciæ Parentem, inq; illius comitatu  
aliquot Regni Episcopos, & Abbates aduentare videat-  
is, nihil quidem à nobis cum simulatione, aut exquisi-  
tis diffugiis, sed omnia serio, piaq; & Sancta voluntate  
gesta esse facile existimabitis. Causa autem (Sapientissi-  
mi Patres) propter quam consobrinum nostrum ad vos  
misimus, duplex est. Altera, quod ille muneris sui nō ob-  
litus, quiq; optimē nouit, quid Ecclesiastica professio,  
horumq; temporū calamitas ab eo suiq; ordinis ho-  
minibus requirat, sæpius, & vehēmenter isthuc eundē  
facultatem à nobis optauit, & petiit. Altera quod ille, à  
teneris annis ad secretiora nostra consilia euocatus, &  
in Regni nostri grauissimorū negotiorum administra-  
tione educatus, optimē nouit fontes, & origines tumul-  
tuum nostrorum, & quibus rebus egeamus, vt ii sedari  
possint. Ei q; in mandatis dedimus ea apud vos expo-  
nere, & quæ à prudentia vestra, & amore paterno re-  
media iure expectari possint nō solum propter Regni  
nostri

nostri tranquillitatem, sed etiam totius Reipublicæ  
 Christianæ salutem à vobis impetrare. Cum enim præ  
 oculis quod est veri, & puri DEI cultus semel habueri-  
 mus, poterimus tandem ad laudatam illam, & adeo ex-  
 petitam rerum emendationem, quæ temporum iniu-  
 ria, & hominum malitia funditus perierant, perueni-  
 re, ac in honorem, & exaltationem DEI nominis, Vni-  
 tatemq; Ecclesiæ antiqua illa catholice Ecclesiæ Maie-  
 stas, & integritas splendebit. Quam rem velut mune-  
 re nostro dignam Vniuersus Orbis iure suo, à vobis re-  
 quirat, eamq; si feceritis, accedet vobis incredibilis re-  
 muneratio à manu illius liberali, qui se harum rerum  
 liberalissimum remuneratorem proficitur, Reges itē,  
 & Respublicæ Principesq; omnes vobis se merito de-  
 uinctos existimabunt vestramq; pietatem magna cū ve-  
 stra laude posteritati commendabunt; & quoniam eo  
 est ingenio consobrinus noster, vt ea planè nouerit,  
 quæ vos speciātim scire cupimus. Obsecramus vos  
 (Sapientissimi Patres) illum vt æquo, & lubenti animo  
 audiat, eamq; illi fidem, quam nobis, si isthic esse-  
 mus, adhibeatis, petentes interea à DEO Opt. Max.  
 vt vos suo præsidio nobis, totiq; orbi Christiano diutius  
 conseruare dignetur.

CARDINALIS A LOTHARINGIA;  
AD SANCTAM SYNODVM  
ORATIO.

ILLVSTRISSIMI DD. REVER.<sup>mi</sup> EPISCOPI.



CHRISTIANISSIMVS Rex CAROLVS, Reginae Matris Christianissimae autoritate, ac praecipuo Regis Nauarrae assensu, Proceruq; omnium conscriptorum consilio, has literas, quae modo perlectae sunt, decreuit, mihiq; ad vos perferendas dedit. Quarum praecipua ea capita, quae maiorem à me explicationem desiderant, pro ea quae mihi tradita est, fide explicabo quam breuissime potero. Haec (vt meministis) statim in initio rerum Regni illius nostri nobilissimi, amplissimi, ac florentissimi quondam summum erga Regem fidei, & obseruantiae statum, & conditionem testantur, dicam vno verbo non sine incredibile animi dolore, fuimus Galli, fuit ingens gloria Francorum. Haec rerum omnium clarissimi Oratores sunt vicissitudines, manus Domini tetigit super nos, viri patres, ac fratres hoc nobis iustum DEI in ira sua iudicium prouocauerunt, corrupti omnium ordinum mores, ac Ecclesiastica omnis collapsa disciplina has turbas excitauerunt: Haereses non suppressae, & à Domino DEO nostro instituta remedia tam diu neglecta. Hinc illae lachrymae, ac per totum Regnum dissidia, odia, rapinae, bella intestina, ac plusquam civilia, luctus ubiq; dolor & pluri-  
ma

rima mortis imago. Nec sacrosanctis DEI templis par-  
 citur, Præsbyteri, ac Religiosi viri, ad aras vsq; quas am-  
 plexantur, morientes trucidantur: Visibilia sacramen-  
 torum signa pedibus conculcantur, comburuntur, pas-  
 sim erecti apparent rogi, ex omni genere Ecclesiasti-  
 corum ornamentorum accensa ex imaginibus directis  
 Pyra, additis non solum Ecclesiasticarum, sed etiam an-  
 tiquissimarum Bibliothecarum libris, nec quicquam  
 ex chartis publicis, ac instrumētis, quæ ad dotationem  
 pertinent reseruatur. Sanctorum reliquæ ruptis altaribus  
 in cineres rediguntur, qui sunt post hæc in profluen-  
 tem proiecti. (Horresco referens) nec à summorum Pō-  
 tificum, Imperatorum, Regum, Principum, Episcopo-  
 rum, & sine discrimine passim aliorum omnium sepul-  
 chris, abstinetur, eorum maximè qui de Ecclesia DEI  
 benemeriti, per monumenta reperiuntur, Nomen DEI  
 ubiq; blasphematur, spiritus mēdæcii in ore omnium est,  
 qui falso verbi DEI ministerium sibi usurparunt, atq;  
 ita expulsis pastoribus alieni ouis custos, fur, & latro in  
 ouile ascendit. Postremò quod longè omnium est gra-  
 uissimum, iuge, ac sacrosanctum sacrificium apud eos  
 cessat. Quod intermissum quantam ruinam secum affe-  
 rat, ac quātam Regibus iacturam, & meministis viri do-  
 ctissimi ex prophetarum oraculis, & experientia in ma-  
 gnis Imperiis, Regnis florentissimis, amplissimis Pro-  
 uinciis didicistis, atque in Gallia nunc aspicitis, Regis  
 enim maiestas contemnitur, Imperia detractantur, non  
 modo vestigalia, sed prouentus etiam negantur. Iura  
 omnia & leges silent, quilibet vindictam, quam exerceat  
 ex priuato odio melitur, ad defectionem populus exci-  
 tatur,



tatur, & excusso monarchiæ, quod aiunt iugo, anarchia  
in concionibus publice proponitur. Hæc omnia apud  
vos cogitate clarissimi Oratores, & quod in Gallia vo-  
bis nunc videre otiosis licet, sera nimis poenitentia ex-  
periemini, si male sua Gallia, ex vicinia vos in ruinã tra-  
hat, sed quid vos sapientissimi Episcopi detineo, aut diu-  
tius affligo? superfluit tanto huic modo malo opportu-  
na remedia, habemus enim magnæ spei pupillũ Regẽ,  
nõ tam Regni ex legitima successione monarchã, quàm  
religionis, & virtutum omnium auitarum heredem,  
quem Pater HENRICVS, & auus FRANCISCVS ex-  
citauit, & in quo iam FRANCISCI fratris demortui, o-  
mnium generis virtutum igniculi relucet, nec desunt  
CATHERINÆ Reginae Viduæ, ac Nauarræ Regis opti-  
ma consilia, & infractæ procerum vires, nullis opibus  
parcitur, vndiq; auxiliares copiæ comparantur, fitq;  
via vi, sed in nostra viscera, quantuncumq; uictrix de-  
xtera sit, ferrum conuertitur, cruuntur opes, & fit la-  
mentabile Regnum, iamq; nulla ad sedandos tantos tu-  
multus aptiora, nullũ præsentius est remedium, quàm  
quod ab hac sacrosancta Vniuersalis Ecclesiæ legitime;  
& in Spiritu sancto congregata Synodo expetitur, huc  
nos maiorum exempla trahunt, hoc verbum DEI do-  
cet, & vt speremus ex promissis suis, quæ nõquã fecit in-  
rita, imperat: atq; ita demũ ex hoc loco pax DEI, quæ  
exuperat omnem sensum expectatur, templum enim  
DEI sanctum est, quod sumus nos viri fratres, & tamen  
si diuisiones gratiarum sint, omnes tamen in vno spiri-  
tu, qui in nomine Domini nostri IESV CHRISTI con-  
gregati sumus, quos & dicere necesse est, prout Spiri-  
tus sanctus



tus sanctus dabit eloqui, quæ omnia, ut magis scire potestis, ad bene beatèq; decernendum ex diuino præscripto sunt omnino necessaria. Hæc omnia Christianissimus Rex cum sibi satis persuadeat, nec quicquam alienū ab his à nobis expectetur. Duo tamen præcipua sunt ea, de quibus vos admonet, pro sua in hanc Synodum obseruantia, & pro ea quam sentit ex his in Religione dissidiis, summa molestia. Primum itaq; à nobis postulat, vt quantum fieri poterit, noua dissidia vitemus; nouas (inquā) & infructuosissimas relinquamus quæstiones, ac demum quantum nobis licet enitamur, ut Principes, ac prouinciæ omnes ab armis abstineant, ab hoc desiderio excitandorum bellorum prorsus nos alienos esse oportet, ne qui ex nobis discesserunt, & se ab Ecclesia Dei præciderunt, existiment magis hoc conuentu Principes ad arma excitari, Societates, ac fœdera iniri ad bellum quantūcunq; sacrum, quam de vniuersali omniū animorum reconciliatione decerni, sollicitate omnia, seruate vnitatem pacis, si quid in ea interea per Regē peccatum est parcite quæso, Patres Amplissimi, HENRICVS Pater Authior pacis fuit, quæ in Christiano orbe tam fœliciter seruatur eā quasi testamento paulo, post moriens filio. FRANCISCO Regi commendauit, Hanc, FRANCISCVS frater si nobis tam cito ereptus non fuisset, magna prudentia retinere conabatur, pupillo, & viduæ iniquissimas semper turbas, & bella intestina, Rex, & Regina mater valde pertimuerunt, & pacatos subditorum omniū animos, ne quies publica inter turbaretur, summa prudentia, vt ætatem, & sexum decet, perpetuo exoptarunt, quod etiā si vt negari non potest

potest, infelicitèr successit, infeliciores tamē belli cū-  
tus sunt pertimescendi, ne si omnes in eodem periculo  
versentur, eadem, & tempestate acti nemo periculan-  
tes adiuuet, ac si in vnum, idemq; omnes naufragium fa-  
ciamus, summam propterea rationē haberi desiderat,  
eorum, qui lapsi sunt, sed vsq; ad aras. Alterum legatio-  
nis meæ caput est, quod iā à principio Regi meo Chri-  
stianissimo, cum Serenissimo Imperatore, & reliquis  
Regibus, & Principibus viris, quorum hic Oratores cla-  
rissimos viros habetis, fuit commune, nempe vt de re-  
formatione, & morum, & Ecclesiæ disciplinæ omnium,  
decernatur. De hac iterum, iterumq; vos admonet, ad  
eam serio amplectendam, qua potest, obseruantia, hor-  
tatur, & per dominum nostrum IESVM CHRISTVM,  
qui iudicaturus est viuos, & mortuos, obtestatur, si Ec-  
clesiæ auctoritatem integram esse vultis, si eius dignita-  
tem cōseruare, si iam inclinatum nobilissimum Gallia  
Regnum retineri posse iudicatis, nec vos ex vestris cō-  
modis nostra incōmoda metiri æquum est; si enim vni-  
uersa hæc Italia, si Hispania omnis sedem, & clauum te-  
net, gratulamur vobis (felicissimi Patres) nos puppi ex-  
cidimus, & vix supremo digito gubernacula retine-  
mus. Hic vobis liceat iure vestro causas, à nobis tantæ  
tempestatibus exquirere. Quem accusabimus (coepisco-  
pi fratres) quem tanti mali authorem constituimus? Me-  
mini quid velitis, nec memoria excidit vestrum, de eā  
re commune omnium iudicium. Hoc non sine inna-  
to pudore, & magna antea actæ vitæ, pœnitentia dicere,  
oportet. Propter nos tempestas hæc orta est. Viri fra-  
tres, propterea mittite nos in mare, quid addam am-  
plius?

plius! habetis confitentes reos, in nos, ut lubet, animadu-  
uertite. Nunc iudicium incipiat, à domo DEI, ut mun-  
dentur, qui ferunt vasa Domini. Attendamus nobis, &  
vniuerso gregi, quiescamus peruersè agere, & discamus  
bene agere, imò potius tu misericors & bone Deus,  
per viscera misericordiae tuae, attēde, placare, & fac ad-  
augere nobis fidem, vt sine timore de manu inimico-  
rum liberati, seruiamus tibi. Nunc viribus opus est (Pa-  
tres) nunc pectore firmo, sed vereor Illustrissimi Domi-  
ni, & Reuerendissimi Episcopi, ne nimis importune  
agam. Non est enim sponte currentibus, addendum  
calcar, finem igitur faciam, est enim mea hac expedita  
à Rege legatio, si quid scire vos amplius oportebit, hac  
omnia Clarissimi Regis Oratores curabunt. Ego vero,  
& mecum vni qui ex Galliis aduenerunt, Reuerendissi-  
mi Coepiscopi, in hac uniuersalis Ecclesiae sacrosancta  
Synodo, testamur Beatissimo PP. D. Pio Pont. Max.  
post Deum, in perpetuū subditos esse velle. Eius enim  
nos in terris Primatum super omnes Ecclesias agnosci-  
mus, cuius nunquam Imperia detractabimus, Eccle-  
siae autem catholicae, ac sacrae generalis Synodi decreta  
veneramur. Vobis Illustrissimi, & Reuerendissimi Le-  
gati fasces submittimus, Sanctissimis Episcopis dexteras  
Societatis afferimus, & Clarissimos Oratores testes sen-  
tētiarum nostrarum hic adesse vehementer gratula-

mur, vt Spiritus sancto Duce, in omni-  
bus per  
omnia, & semper honorificetur Deus

& Pater Domini Nostri

IESV CHRISTI.



Permittente Reuerendo P. Fr. Vincentio Spar-  
giato Sanctissimæ Inquisitioni-  
nis Vicario.



BONONIÆ,  
In Vico Diui Mammoli ad insigne  
Mercurii. 1562.

99 95 6418